

საქართველოს განათლებისა და მეცნიერების სამინისტრო



გამარტივებული ელექტრონული ტენდერის საშუალებით
ოქროსა (მოოქროვილი) და ვერცხლის (მოვერცხლილი) მედლების დამზადების
მომსახურების შესყიდვა (CPV: 18512200)

(წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის საფუძველზე

2013 წელი

ტექნიკური დავალება

შესყიდვის ობიექტი: 2011-2012 და 2012-2013 სასწავლო წლის წარჩინებით კურსდამთავრებულთათვის ოქროსა (მოოქროვილი) და ვერცხლის (მოვერცხლილი) მედლების დამზადება და მოწოდება.

დაფინანსების წყარო: საქართველოს განათლებისა და მეცნიერების მინისტრის 2013 წლის 14 იანვრის N12 ბრძანების საფუძველზე დამტკიცებული „განსაკუთრებით ნიჭიერი ახალგაზრდების წახალისების პროგრამის“ (პროგრამული კოდი: 320204) „წარჩინებულ მოსწავლეთა მედლების ქვეპროგრამა“.

მომსახურების გაწევის ვადა – ხელშეკრულების გაფორმებიდან 2 (ორი) თვე.

მიწოდების ადგილი: საქართველოს განათლებისა და მეცნიერების სამინისტრო. მისამართი: ქ. თბილისი. დ. უზნაძის ქ. N52.

შესასყიდი მომსახურების საგარაუდო ღირებულება - 148 500,00 (ასორმოცდარვა ათას ხუთასი) ლარი.

აუცილებელი პირობები:

- პრეტენდენტს უნდა ჰქონდეს ანალოგიურ საქმიანობაში არანაკლებ 1 (ერთი) წლიანი გამოცდილება.
- დასამზადებელი და მისაწოდებელი საქონლის დიზაინი და ხარისხი უნდა შეესაბამებოდეს ოქროსა და ვერცხლის მედლებისათვის შემსყიდველის მიერ დადგენილ და დანართი N1-ით და დანართი N2-ით გათვალისწინებულ სპეციფიკაციას და პარამეტრებს, კერძოდ:

ტიპი	სპეციფიკაცია
ოქროს მედალი	სახელობითი მედალი (თითოეულ მედალზე უნდა ამოიტვიფროს სახელის ინიციალი და გვარი), თითოეტი მოოქროვილი მაღალი სინჯის ოქროში (999,9/24K სინჯში) დიამეტრი 7 სმ. სისქე 3 მმ.
ვერცხლის მედალი	სახელობითი მედალი (თითოეულ მედალზე უნდა ამოიტვიფროს სახელის ინიციალი და გვარი), თითოეტი მოვერცხლილი მაღალი ხარისხის ვერცხლში (999,9 სინჯში) დიამეტრი 7 სმ. სისქე 3 მმ.
მედალის ჩასადები ყუთი	ჩასადები კოლოფები უნდა იყოს მედალის შესაბამისი ზომის, ხავერდის; ფერი ოქროს მედალისთვის - ბორდოსფერი, ვერცხლის მედალისთვის - ლურჯი. (ესკიზი - დანართი N3).

- მისაწოდებელი მედლების ყუთის დიზაინი უნდა შეესაბამებოდეს დანართი N3 გათვალისწინებულ ესკიზს და უნდა იყოს ამ დიზაინის იდენტური. (ოქროს მედალისათვის ბორდოსფერი, ვერცხლის მედალისათვის - ლურჯი).
- მიმწოდებელმა უნდა უზრუნველყოს მისაწოდებელი საქონლის ისეთი შეფუთვა, რომელიც დაიცავს მას დაზიანებისაგან და შეესაბამება საქონლის უსაფრთხო შეფუთვის აუცილებელ მოთხოვნებს.
- მიმწოდებელმა უნდა უზრუნველყოს უკვე დამზადებულ საქონელზე (მედალებზე) ექსპერტიზის (დამოუკიდებელი ექსპერტის) დასკვნის წარმოდგენა (შემსყიდველის მოთხოვნის შესაბამისობის თაობაზე).
- ელექტრონული ვაჭრობის შედეგად უმცირესი ფასის წარმომდგენმა პრეტენდენტმა 7 (შვიდი) კალენდარული დღის ვადაში უნდა წარმოადგინოს მედლების ნიმუშები და ამ ნიმუშებზე შესაბამისი ექსპერტიზის დასკვნა (შემსყიდველის მოთხოვნის შესაბამისობის თაობაზე).

ხარჯთაღრიცხვა

2011-2012 წლის კურსდამთავრებულთათვის (ცხრილი N1)

N	დასახელება	რაოდენობა	ერთეულის ფასი	ფასი	მოწოდების ვადა
1	ოქროს (მოოქროვილი) მედალი	9			
2	ვერცხლის (მოვერცხლილი) მედალი	13			

Created with

3	მედლის ჩასადები კოლოფი	22			
სულ					

შენიშვნა: ცხრილი N1-ში მოცემული რაოდენობის მედლები უნდა დამზადდეს დანართი N1 მედლების ნიმუშების შესაბამისად.

2012-2013 წლის კურსდამთავრებულთათვის (ცხრილი N2)

N	დასახელება	რაოდენობა	ერთეულის ფასი	ფასი	მოწოდების ვადა
1	ოქროს (მოოქროვილი) მედალი	1119			
2	ვერცხლის (მოვერცხილი) მედალი	1117			
3	მედლის ჩასადები კოლოფი	2236			
სულ					

შენიშვნა: ცხრილი N2-ში მოცემული რაოდენობის მედლები უნდა დამზადდეს დანართი N2 მედლების ნიმუშების შესაბამისად.

ცხრილი N1 და ცხრილი N2 მედლების რაოდენობა შესაძლებელია გაიზარდოს ან შემცირდეს.

მომსახურების ფასი უნდა მოიცავდეს ყველა ხარჯს, მათ შორის კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღ-ს გათვალისწინებით.

2. პრეტენდენტმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაციები:

- ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;
- ინფორმაცია მინიმუმ 1 (ერთი) წლიანი ანალოგიური საქმიანობის გამოცდილების შესახებ;
- ინფორმაცია მატერიალურ-ტექნიკური ბაზის შესახებ;
- მომსახურების ხარჯთაღრიცხვა;

3. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ა-ბ ქვეპუნქტებში განსაზღვრულ მოთხოვნებზე:

ა) ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანხმდები დოკუმენტაცია. ანგარიშსწორება მოხდება გაწეული მომსახურების დასრულების შემდგომ, მხარეებს შორის მიღება-ჩაბარების აქტის ხელმოწერიდან 15 დღის განმავლობაში. დასაშვებია საავანსო ანგარიშსწორება არაუმეტეს ხელშეკრულების ჯამური ღირებულების 20% პროცენტისა შესაბამისი საბანკო გარანტიის წარმოდგენის შემთხვევაში.

ბ) გამარჯვებულ პირს მოსწავლეთა სიები გადაეცემა შესაბამისი ხელშეკრულების გაფორმებისას.

გ) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

ტენდერში გამოყენებული იქნება სატენდერო წინადადების უზრუნველ; გარანტია) სატენდერო განცხადებაში მითითებული სავარაუდო ღირებულების 1%-ი

Created with

ვადა განისაზღვრება 120 კალენდარული დღით ტენდერისათვის „წინადადებების მიღება დაწყებული“ სტატუსის მინიჭების ეტაპიდან.

შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთვამდე.

სატენდერო საფასურის ოდენობა შეადგენს 50 ლარს.

ტენდერში გამოყენებული არ იქნება ხელშეკრულების შესრულების უზრუნველყოფის საბანკო გარანტია.

პრეტენდენტს არა აქვს უფლება წარმოადგინოს ალტერნატიული წინადადება.

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის დილაკზე დაჭერით.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან: ე. ეზუგბაია; მ. ფალიაშვილი; ნ. ბოჭორიშვილი; ნ. მჟავია. ტელ: 2 31 89 40 შიდა ნომერი: (1252); (1273); (1274).

ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქცია შესაძლებელია ასევე იხილოთ: <http://procurement.gov.ge>

ხელშეკრულება

სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“___” _____ 2013 წ.

ერთი მხრივ, საქართველოს განათლებისა და მეცნიერების სამინისტრო (შემდგომში „შემსყიდველი“) წარმოდგენილი მინისტრის პირველი მოადგილის ქეთევან ნატრიაშვილის სახით და მეორე მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების შესახებ კანონისა და მიმწოდებლის სატენდერო წინადადების საფუძველზე, N SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 მიმწოდებელმა უნდა უზრუნველყოს 2011-2012 და 2012-2013 სასწავლო წლის წარჩინებით კურსდამთავრებულთათვის ოქროსა (მოოქროვილი) და ვერცხლის (მოვერცხილი) მედლების და მედლების ჩასადები ყუთების დამზადება და მოწოდება (18512200).

3. ხელშეკრულების ჯამური ღირებულება

3.1 ხელშეკრულების ჯამური ღირებულება შეადგენს ----- ლარს.

3.2 მომსახურების ერთეულის ფასები მოცემულია დანართ #1-ში

3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული მომსახურების სრულად გაწევის შემდეგ კანონმდებლობით დადგენილი დოკუმენტაციის გაფორმების საფუძველზე.

4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 15 კალენდარული დღის განმავლობაში.

5. მომსახურების მიღება-ჩაბარების წესი

5.1 მომსახურება ჩაითვლება გაწეულად მხოლოდ კანონმდებლობით დადგენილი დოკუმენტაციის (მიღება-ჩაბარების აქტი) გაფორმების შემდეგ.

6. მომსახურების ვადა და ადგილი

6.1 მომსახურება განხორციელდება -----.

7. მხარეთა უფლება-მოვალეობები

7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7.2 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4 მიმწოდებელი ვალდებულია გაუწიოს შემსყიდველს ხარისხიანი მომსახურება.

8 . ხელშეკრულების კონტროლი

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება მომენტისათვის.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში მიმწოდებელს დაეკისრება პირგასამტეხლო ხელშეკრულების ჯამური ღირებულების 5%-ის ოდენობით.

9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების და-დგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.4 პუნქტით გათვალისწინებულ გადაწყვეტილების მიღების განზრახვის შესახებ

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

მხარეები თავისუფლდებიან ხელშეკრულებით განსაზღვრული ვალდებულებების გამოწვეული პასუხისმგებლობისაგან, თუ აღნიშნული გამოწვეულია აუცდ

ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის მისი ხელმოწერის დღიდან და მოქმედებს 2013 წლის ----- ჩათვლით.

14. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეთა რეკვიზიტები:

შემსყიდველი:

მიმწოდებელი: